

沔陽州志卷六

沔陽童承敘

提封下

景陵南五十里曰漢江一日大襄河其源出嶓冢山地志在隴西郡

氏道縣今漢中沔縣也曰漾水南合沔水其源出狼谷中水經在武都郡

沮縣東今漢中略陽縣也東流為漢水水經漾水至武都沮縣東南流注

漢曰沮口常璩曰漢水有兩源漾出嶓冢東源也沔出嶓冢會泉西源也逕葭萌入漢郾道元謂東西兩川俱

出嶓冢而為漢水是也又東為滄浪之水郾道元云武當縣北四

浪洲水曰滄浪水武當今均州也襄陽志漢水因地而

名曰漾曰沔曰漢曰滄浪蓋總名為漢別言之則有四

耳漢水自安陸東逕漁泛降逕葫蘆三灣東播為小河

牛蹄獅子三汊諸口漢水又東播為馬腸河漢水又東

播為清水汀河漢水又東得橫鱗口漢水又東播為陶

溪潭河漢水又東得便河口漢水又東播為新衝河漢

水又東逕乾鎮東流出漢口入江知州濂襄河權歌襄

青梢照客槎春風吹粲郎休駐野豔令人忘卻家其二

百丈牽舟過淺灘鳴鑼齊力奮霜湍夜寒莫宿清水港

月明直到范家灣其三宜城桑落碧醪香郎過宜城莫

繫航最怕春風蕩心處當鑪調瑟楚名娼其四儂家阿

姊笑儂孤無奈郎船楚又吳安得化為郎後柁隨郎南

北別愁無其五襄川斜繞石城流郢上磷碣白雪樓郎

船若過聊停棹為問當年盧莫愁其六竹緝聯後下三

巴郎到三巴早念家庭前桃樹郎親種郎去無心去看

花其七襄河七十二重灘淺洲高欲上難昨夜雨添

三尺水順風吹舸下江干其八名灘兩岸古襄河郎在

襄河歲月多今早郎書荆北到昨宵妾夢漢江過其九

向夜揚船秋月明襄兒齊唱權歌聲斗轉參橫猶進槳

隔河燈火是樊城其十雙雙鷓鴣驚闌晴川對對鴛

鴛戲白蓮如何郎去儂無偶惱殺春風夜不眠

漢南曰漁泛獅子馬腸清水諸河皆潛也其河俱會于



破江逕潭灣接張池口合下帳湖東南注于白湖陶溪潭河其河北出盧家埠東出羊角河入漢新衝河其河折旋十餘里復入于漢

漢北曰牛蹄河其河逕三汊口出橫鱗口入于漢

城南河亦潛也其河西自南河口南自黑流渡入石家河從北來注之東過縣逕楊林口又東逕便河口又東逕板港又東趨風門入于漢又自楊林播為河逕風波湖口又東逕元湖口至回河口阜角水從西北來注之合流趨風門入漢

義河即城南河東距紅花港西距捷河口長五里世傳宋太祖

祖微時嘗渡此遺舟人錢不受後特蠲魚課賜今名知縣縮記義河如義田義庄之類其事或始于宋後漁人

河陽州志卷六

二

託宋祖事以冀蠲課耳乃議復之又立石為之界使與貧民共焉敘案縮意固善矣宋史王彥超傳太祖曰卿鄉在復州朕往依卿則宋祖固嘗涉此也特辭錢蠲課之事無所考耳

南三十里曰便河縣去漢江遠元知府白景亮開此河民便之因名時掘土得石有白公溝三字人咸異焉

便河之右曰留駕河故志蜀先主嘗至此故名敘案三國志先主敗于長板斜趨漢津與關羽會得濟當留駕于此也

西北三十里曰石家河

又西曰馬溪河二河俱出京山

二河之南合流曰巾港河其河南流于三汊口東流逕縣至風門入于漢

東北四十里曰柳家河其河北逕石堰口南入風波湖



七十里曰回河一曰會河其河自安陸直河東流逕阜角市南會楊林板港水入于漢

五里曰車湘港

東二十里曰板港

北七十里曰石堰渠唐咸通中刺史董元素開故志作石渠堰誤其流自五

華山西通巾水

城東曰東湖湖廣袤二里中有洲上有東禪寺前為橋曰圓通覆以亭又前為隄造焉殿閣隱起水竹縈紆望之最邑勝處也

西曰西湖廣次東湖中有洲曰覆釜即陸羽所居上有西禪寺寺即廢其勝亦不下東湖也

沔陽州志卷六

南曰南湖中界壇壝及民居雖析為二然均稱南湖焉

三澁水故志在縣南三十里敘案禹貢蔡傳澁水名今復州景陵縣界又名澁水即三澁之一也長壽今安陸州其水逕景陵者有石家馬溪巾港柳家阜角諸河俱出風門入漢未知孰為澁水京山志有澁水在縣西七十里不言逕景陵今巾港河南流出縣河者名三澁口則石家當即澁水縣河當即澁水東流至風門入漢故東有澁川廢縣縣瀕漢而言澁者澁水所過也亦猶夏水入漢不言漢而言江夏也況三澁口正在縣西南三十里則故志與蔡傳所指即此水而三澁之一明矣

巾水楊水水經注龍陂水逕郢城東北流謂之楊水北又巾水西逕竟陵縣西北逕於泗日楊口中夏口也竟陵大城西通巾水今石堰口通石家則石家即巾水然石堰渠西通巾水今石堰口通石家則石家即巾水不待與馬溪合流之後方名巾港也且馬溪正在石家



之西當即楊水而合流之處當即所謂巾水者故今巾  
港西有故城即故竟陵大城況故志巾港湯二市俱在  
西與水經合而湯或揚字之誤也

白水 左傳楚子奔隨涉于成日杜預注在竟陵縣西京  
山志有日河安陸亦有舊口驛蓋郢水竟陵地也

西江水 故志引陸羽六羨歌干羨萬羨西江水會向竟  
陵也在上饒聞所育僧卒賦此詳其詩意此水當不在竟  
陵也作志者溺於羽詩求之不得其處乃謂為襄江之

一派失其實矣

文學泉 在縣署西北一名陸子井陸羽得泉以試茶改  
名唐裴迪詩竟陵文學泉蹤迹尚虛無不獨支

公住曾經陸羽居草堂荒產蛤茶井冷生魚一汲清冷  
飲高風味有餘宋王禹偁詩蠶石封苔百尺深食茶滋

味少知音涓涓泉底中

宵月留得先生一片心

玉真泉 在王真觀

萬人井 在荆南門東二十步口  
徑七尺五寸可飲萬人

沔陽州志卷六 四

覆釜洲 在西湖以形似名  
陸羽隱居之地

甘魚陂 左傳楚公子比次于魚陂杜預注竟陵縣城西  
北有甘魚陂水經注在竟陵城傍玉海日戰國

多以水攻故楚

守甘魚之口

灌溉堰 在縣東南  
四十里

故蹟復州城 故志在州北二里唐置宋端平初仍徙於  
此敘案端平析復州徙治沔陽鎮即今州

城國初循故址築仍餘東北之半今名七里城有門曰

漢廣又西魏置建興縣后周於此置復州則是城非特

唐置也唐錢起登復州南樓詩孤樹延春日他山卷曙

霞客心湖上鴈歸思日邊花行李迷方久歸期涉歲賒

故人雲路隔何處寄瑤華潘子安故城謠陰風生紙錢

空挂墳前路樹墳上荆榛穴狐兔燒場未冷煙未消棄骨

如銀滿行路金尊酒盡且須賒莫使愁霜著鬢華鶴歸

華表空明月燕入烏衣又落花神仙狡獪矜長壽安期

彭祖今何有可憐羸政訪蓬萊採藥未還聞

鮑臭請君試聽故城謠峻宇雕牆徒爾勞  
江北城 在江北其城東西北尚存惟南瀕河獨無或水  
嚙之也相傳為玉沙縣治敘案宋太祖乾德三



年置玉沙縣仁宗寶元二年始廢沔陽不應二縣並置  
一處今監利東六十里有廢縣去沔道里亦稱是當為  
宋玉沙故治蓋玉沙在沔陽監利之間故熙寧廢玉沙  
屬監利故志但云古縣亦未考也元改沔陽府以玉沙  
附郭蓋於是時  
始徙治江北耳

脚月城 故志在江口黃蓬有城相傳為脚月城沙羨縣治

也黃祖所守郡縣志脚月城在漢

石樓城 故志在舊州治西一十五里敘案三陽

魚腹城 故志在州東十里二城俱無

廢沔陽縣 故志引郡圖志楚王城元和志雲杜縣地

沙敘案宋端平三年復州景陵並徙治沔陽鎮元興因

以為府自至道至今沔陽縣廢五百餘年所謂廢縣即

今城故志據

圖經而言耳

風城 在縣五華山故志古風氏之國相傳伏羲之後封

于此故有伏羲廟敘案左傳任宿須句顓臾風姓

也實司太皞與有濟之祀杜預注四國伏羲後故主其

祀封近於濟皆魯之附庸也則今風城非伏羲後矣故

胡明仲記不及

此蓋亦疑之也

古竟陵城 在中港河西三里水經注中水西古竟陵大

之其方隅道里皆與諸書合蓋古竟陵縣治其城自隋

已廢殆千餘年故多崩圯唐張祐夕次竟陵詩南風吹

五兩日暮竟陵城腸斷巴焦日夜彈何處聲又梅花今

正發失路復何如舊國雲山在新年風景餘春饒漢江

夢日寄武陵書可惜

明時老臨川莫羨魚

雲杜城 即今縣治故城敘案漢晉皆有雲杜至隋獨無

蓋省入竟陵遂移治于此耳梁於此置沔陽郡

雲夢城 故志在縣西即古雲夢澤敘案郭璞云安陸枝

江皆有雲夢城不言景陵有也疑即古竟陵城

笑城 在縣東北六十里故志宋將軍再遇與金兵對壘

夜遁惟繫羊擊鼓金兵覺欲追不及為之大笑故

名敘案再遇傳誠有此事然再遇為京東招討故其戰

功皆在淮泗齊魯不在竟陵也況唐日休已有笑城暮

雨詩不應唐人能用宋事今邑人多

呼霄城泛蓋本漢晉霄城縣治耳



眞陽市城 在縣東九十里相傳以爲縣舊城有城隍廟故今又名城隍臺世代無考

魯公城 在上白湖村本土臺名之日城相傳魯肅屯兵于此

坊廂五東北隅 坊一東南隅 坊二上廂下廂 俱附

村三十有八 漕河里北三石板里西五窑頭里北石湖里北四

雲潭里北三十 什樂里北五 西范里北七 到河里北六 深

江里北九 南池里北七 鐵櫃里北五 下渣里北八 瀘水里北二

里泗江里東一百 荆江里東五 黃荆里北八 漢廣里東五 江北

東北三 達路里東南五 滄浪里東五 接陽里東六 馬宗里東十 渣潭

十五里三 直步里東南五 仁和里東南三 長夏里南四 小林里南二

里沙口里南六 上平放里南四 下平放里南一 黃蓬里南一 北正

後洛里西南一 林灣里西南一 茅埠里西南一 北正

河陽州志卷六 六

南一百 淖潭里東北九 西湖里西南一百 新增里北六

景陵坊廂二坊 城一縣城一縣城外

村六里二十有三 上白湖里西北領里四 馬溪里下白湖里西

領里四 永和里 雲潭里東北領里四 東林里官城里東領里五

豐泰寧安和 雲潭里諸流蕭城仁和 官城里東領里五

三才白方樂 南領里四 永平里南黃里南領里三 泗

雲仁平 方樂 安平泰平和 南黃里南領里三 泗

關四荆江口 東南襄江口 東北范漑里北四 侯埠里東六

市十有九 范漑里北四 沙湖里東一百 接陽里東六 黃蓬里西

里五十 南黃里北九 沙口里南六 採桑里西三 景陵阜角里北七

縣縮記 景陵市有五 日乾灘石家柳家楊須惟阜角爲

盛乾灘地濱襄河上下人稀東來八十里方抵縣治縣

治西去四十里爲石家與京山東南接壤居民髮鬚乾

難自石家東向而北柳家在其轉屈間約一舍許比之

石家稍隘柳家東四十里爲楊須生理鮮少尤下於柳

家阜角則扼楊須柳家之衝有水一道自東南流入襄



河透邏達于大江通商賈舟南稍下東西西北三面曠然  
而平南仰縣治北連應城東跨漢川西控京山如德安  
孝感雲夢中高不與河通者亦雲潭北三湯港西北三  
肩載馬服胥此以買遷有無

巾港西百三馬溪西北三直陽東九柳家東北四楊須

北六乾灘東八石家西北三漁泛西南六小堤南三十

鎮三沙鎮在沙湖茅鎮在茅埠景陵長汀東南六

渡二十有九三江口西三油榨降東五江北北一劉家

西十南門 北門 漕河西北三拖船西九上江西三密

頭降西北十列河西北六南黃西北九景陵義河南一

板港東二官城東一古角西青山湖口黑流西九漿陂

南三車湘南二獅子南五十里堤南一芙蓉南八阜角

南八柳家北四石家西北三阜角市東北七縣北小即

里十八縣北大即大十漁泛西南五

塚墓八十塚縣東北八十里金雞塚縣西十里高十餘

鬪其上黃巢欲發之蛇蝎虞布政信基在江歐陽郎中

謙墓在中邵郎中暹墓在漢廣陳知府勛墓在江北劉

知府鉅墓在浮童知府旭墓在漢廣李運使慶墓在

諸葛魯祭酒鐸墓在縣止林諭葬

風俗漢書楚有江漢川澤山林之饒江南地廣或火耕

水耨民食魚稻以漁獵山伐為業果蔬羸蛤食物常足

故嵒窳媮生而忘積聚飲食還給不憂凍餓亦亡千金

之家信巫鬼重淫祀

晉書荆強也亦曰警也隋書荆州風俗頗同揚州其

沔陽州志卷六



人率多勁悍決烈蓋亦天性然也南郡夷陵竟陵沔陽襄陽安陸諸郡多蠻雜左其與夏人雜居者則與諸華不別其僻處山谷者頗與巴渝同俗自晉氏南遷之後南郡襄陽皆爲重鎮四方湊會故益多衣冠之緒稍尙禮義經籍焉江夏竟陵安陸各置名州爲藩鎮重寄人物乃與諸郡不同 圖經人性淳和 丁謂詩人淳訟簡 名賢文集人自溫良化作蠶桑之俗 復州廳壁記民足魚蜃之饒 圖冊務實樸厚 陸羽自傳風俗之美無出吾國 故志以漁罟耕耨爲業而少積聚又云耕尙鹵莽雖廣種而薄收婚略禮文每多贅而少娶疾患則斂貲相卹死喪則歌鼓雜哀 景陵故志編

氓二十五里佃民強半流徒至相倍蓰聚而爲爭鬪爲橫逆爲矯詐訟獄溷亂清濁良善寡弱受害無算 謠俗往籍備矣余所聞長老國初民跼蹐奉法度其後吏或逋蕩亡風軌江左右黠商賈往往朋呼黨聚雜編毗與處而奪之業稍龐雜弗齊矣然民率椎質亡深文或片辭至呵呼不能下詘則俯首服史稱荆勁也豈不然哉地素曠多楛耕婦女雜作歲稍穰卽營營治產業歉或妻子不相聊然捐淫末憚遠商寧餓死溝瀆不爲盜歲隙則縱馬牛野中比服役始收之婚不論財士大夫必親迎喪多用家禮士皆醇謹有文斯亦他郡之無也景陵尤激昂負氣好稼穡務畜聚其士姁姁愛禮民



喜健訟率為侈靡相高大都沔陽簡景陵侈沔陽樸景  
陵飾沔陽愿景陵亢歸於近厚爾孔子謂魯一變至於  
道齊也魯而已有政教者慎道化之不難變也唐皮日休送從弟歸復州詩羨爾優游正少年竟陵煙月似吳天車螯近岸無妨取舫艫隨風不費牽處處路傍千頃稻家家門外一渠蓮殷勤莫笑襄陽住為愛南塘縮項鰻元傅與礪送安伯寧知沔陽詩水郭春為市沙村夜種田雞棲桑雨外魚網荻風前荆人璞江通郢客船使幡當任過賓牽隔花傳知州濂紀俗詩蟹郭潛湘曲風流自昔稱家住水閣日日下漁罾雲溼常垂雨湖寒未見冰風微鷗戲藻沙靜鷺銜菱翎羽充王貢魚蝦入歲徵蓮船秋競泛竹檻晚堪凭陸羽風如在靈均恨不勝漢唐兵豈到吳楚勢相乘地僻逢迎少江清歲宴仍羔羊懷漢詠琴瑟對漁燈放枕初猶怯垂綸近亦能疏狂叨守牧高興益峻嶒

沔陽八景

五峰山色

三滢波光

滄浪漁唱

柳口樵歌

丙穴釣秋

荆樓玩月

東沼紅蓮

西城古柏

後又有八景名多不雅故不錄

景陵十景

道院迎仙

唐皮日休詩百尺丹臺倚翠華洞門迢遞隔煙霞雨中白鹿眠芳草松下青牛卧落花函

谷月明浮紫氣瑤池水暖伏丹砂拋書亦欲尋真去安得相從一飯麻



書堂出相日休詩棲遲泮水醉詩書自是明時未相儒

杖雙蓬鬢明月清風一草廬他日

鳳竹晴煙日休詩半畝湘筠幾萬竿濃陰匝地晝生寒

霜心不改新梢搖日淚初乾風流

龍池春漲日休詩龍池發綠浩無邊一氣渾融太極先

鯉頻翻藻出曝玄龜欲上蓮翹首

夢野秋蟾日休詩地塹長淮月湧金九天寒氣襲人襟

雲歸鶴散碧叢溥露候蟲吟神農

天門夕照日休詩落霞如綺絢晴空坐看天門欲下春

長安何處遠浦沙明水宿鴻回首

三澁漁歌日休詩長歌欸乃發中流短棹輕舟任去留

沔陽州志卷六

醕醕初潑膾切魚絲網乍收明月

五華樵唱日休詩一聲樵唱落雲間伐木丁丁響萬山

新書拋卻後五華仙境任躋攀

梵刹晨鐘日休詩月落鐘聲出上方水光山色曉蒼蒼

星飛碧落雞鳴旭日麗扶桑春風

笑城暮雨日休詩草樹連雲雉堞平瀟瀟風雨暗荒城

人寧復夢書堂倦客若為情芭蕉

滴漉傷心處俯仰空懷一笑名

史敘曰天下名郡縣必有迴峰復障爭奇角勝而沔獨

以湖澤聞川原聯絡不啻峰嶂之迴複也然土隙而曠

故民怠地卑而潦故民瘠夫富者貧之誨也利者害之

賈也民頻歉則多思思則勤勤則儉儉則資治之道也



故與其怠也寧瘠

贊曰襟雲帶夢負漢抱江洪川沃野幅隕旣長土曠潦  
頻多歉少穰茲患思義以敦淳龐

沔陽州志卷六

盧靖校刊

沔陽州志卷六

二